

經部

欽定四庫

經部 易經蒙引卷一中

通政使司副使臣莫瞻菜覆勘 詳校官大理寺即臣富炎秦

校對官中書臣李 總校官庶吉士臣倉 聖脉

膽銀監生臣謝人倫

公

久己口后 Acto 我去令人多解不通盖令之所謂大象 易胆蒙引 下两条及雨象之六久周公所 周公所繁之辭也數字為小 ·讀〇卦之上下兩象數字為 明 祭清 撰

多分四月百言 象者乃大泉傳小泉傳也若論泉之正義則此卦上 乾下乾者卦之上下两象也初九潜龍勿用至上九 名卦辭之說有限而聖人胸中義理無窮故自天行 乳子於釋卦名卦解之後而復加之以大象者盖卦 之上下兩象者分二體言二體各一象也及兩象之 六爻周公所繫之辭者以兩象包有六爻其六爻周 之亢龍有悔者两象之六爻周公所繫之解也〇卦 公所繫之解只是兩象逐節之義故拜謂之象也○

とこうに 是人事中自有六十四卦名之象也凡此皆聖人之 歲又一 **藴因卦以發者也〇今日** 能也味此一句正合程子所謂惟健故不息不可 得天行之健然不止以日計也若云今歲 四卦之名也自君子自强不息至慎辨物居方此又 健至大在水上未濟此是六十四卦之象自有六十 不息做健者然則不息意在天行字內然又須以 1:11 周亦可本義持舉其大意而己○非至健 易經蒙引 周而明日又 周而明 周因見

多定四月全書! 君子以自强不息 在矣 勢坤來對看不必十分分析故曰健無用言則有體 也不必做方去體易說〇凡君子以等皆以見成者 此以字與文王以之箕子以之之以字同言其能用 不分上下體了盖是合上下體而謂之天行健也故 不可分自强體下乾不息體上乾天行健三字已自 言而時文所云君子法之當何如哉皆失其古矣○

てこうこと ここう 不宜分○或謂君子法天行之健處工夫全在以字 徳之到乃所以體天行之健强也健也到也! 白 子集註所謂人能克已則仰不愧俯不怍大學章句 所以法天行之健也諸卦例皆然其本義謂君子法 不息處明人之不能自强不息者人欲害之也猶益 之不以人欲害其天徳之劉者乃推原所以能自 上而自强不息乃其成效也此說未是自强不息正 强则不息一 息則非强矣自强不息乃所以全天 易經蒙引 地 故 强

多克匹库全書 養而無害也所謂則自强而不息矣猶孟子則塞於 子之意只是要把自强不息配天行之健初無一層 不息四字一串意猶云至公無私健而無息耳原孔 儒用意以覺來學處不必遽以填入本文也〇白强 所謂心無愧作則廣大寬平而體常舒泰者要知先 〇本義所謂不以人欲害其天徳之劉猶孟子以直 天地之間也〇天行健者在天之乾也自強不息者 一層效驗之意工夫之云自是朱子教人意也

とこしま いよう 陽在下也 不息之實亦不外子體仁足以長人嘉會足以合禮 即君子一身之天行健也此正是以人當天處自此 在我之乾也而天人相當矣諸卦放此〇自强不息 陽以陽交言不必謂陽氣 以下又是人事中六十四卦象也○究竟君子自强 利物足以和義自固足以幹事而已四德何所不該 此便是全其天德之劉也 易短蒙引

他施普也 多定四牌全書 反復道也 道字輕本義云重復踐行之意盖是解貼出反復二 讀作去聲似亦通也 德之所施者博也依程傳云德化及物其施已普則 說終未可知或疑踐行二字無歸着非也反復有來 字之義如此不可認作及復子道也程傳及諸儒之 施字程傳本義俱無音註宜作平聲讀盖中庸所謂

進无咎也 作道德字説即此是証也〇此言所謂終日乾乾者 四離下而上可進之意居多但猶在上之下故不必 只是箇反復道也盖反復二字有去去來來不自休 來去去之意又復录曰反復其道此道字俱不可認 矣故進无咎也○不必進者隨時進退也○一 廢之意所謂往來於懷亦此意也 九四可以進而不必進也惟不必於進則其進以時 易經蒙引 一說九

たこりをとう

五

多好四屋 台書 天德不可為首也 在淵言非決其疑也 则周公失於狐疑矣大抵進无咎也一句是承或躍 進也今日進无咎孔子許其進矣此說亦似好聽但 其進周公之意周則孔子失於迫促矣孔子之意斷 於理似有礙孔子何為獨許其進周公何為不遽許 之首不同无首以象言首尾之首也此首字只是先 言不可以到為主也〇此為首之首字與爻辭无首

字義爻解首字初無先字意也○天德不可為首也 與衆人共處而獨任剛自遂便是為物先〇不可為 皆變而吉○本義言陽到不可為物先物字廣說如 天字要看得重到者天德也柔者地德也天德不可 為首言須用坤德以濟之也益六陽過盛了故六陽 不是專就人君說君子之於天下也豈皆指人君用 物先即先述後得云 九本義說得意自廣至文言方專就聖人與君道說 云也○註有曰為天下先者亦

くいうら とれっ

見裡蒙引

|多定四庫全書 為首則偏言之天德也偏言者對柔順而言只是 暴勝之云凡為吏大到則折亦此意也○須知用九 息亦不過全其天德之罰耳如何又以為不可為物 邊道理耳故不可為物先○此天德猶云陽德也○ 固自無所不該矣故貴於自强不息之倒天德不可 見犀龍无首吉即純坤卦辞 先盖天德之劉乃專言之天德也專言者舉其全體 天德不可為首也只是剛健中正道理中正便有和 云也○君子自强不

可為首也處或曰天行以下指到君子以慎辨物 方潜龍以下指到飲酒濡首亦不知節也非也何以 目〇天行以下指到不息字潜龍以下指到天德不 者明其為世俗論也在朱子公不首稱大象小象名 也〇天行以下先儒謂之大泉潜龍以下先儒謂之 柔在如九三重劉不中便有危道故此云不可為首 之傳非大泉小象也此云先儒謂之大象謂之小象 小象天行以下本是大象之傳潛龍以下本是小象

くこうこま しょう

易經蒙引

文言口 多定四年全書 斷之曰為此下有後放此三字在 言二字孔子於录既有录傳以釋之於象又有象傳 言指舊文也盖录傳象傳已釋其言矣此篇又申 也○文言二字之義猶後世所謂釋文也文者釋也 也故復作文言傳以申录傳象傳之意所以盡其為 此三字亦鄭玄王弼所加者但孔氏之舊標題有文 以釋之矣然猶以為乾坤之道大而其六文之義廣

Moderate Action 前面分卦爻解而傳之此則統而傳之猶繫解傳之 卦之雜對皆已定於前人矣故孔子傅以垂世看來 卦亦是據前人所說所雜者而傳之乎曰天地定位 至孔子录傳乃有四德之說然其所謂四德者又有 不附於經也如此說方用得傳字或曰然則說卦雜 此説似長〇盖元亨利貞比四字在文王只為占鄰 之類豈非前人所己說者乎今則錄以為傳六十四 易經蒙引 ----

其言也〇一

說文言總指卦爻辭言此則其傳也以

多 好 四月 在書 實只是推原在人之元所以為善之長云 不同天之四德自其生成萬物者言也聖人之四德 其用也四德無乎不在也又見乾字所該者廣也〇 本義元者生物之始天地之德莫先於此四段話其 自其統治一世者言也至此所謂四德又只就君子 地之德俱說在內非惟可見天人一理而又可見萬理 身所行而言也一身所行者其體也統治一世者 原且生物之始生物之通生物之遂生物之成云 云故連天

者非特天有之凡萬物之理皆然也如人之仁其理 先而無統四者所謂元者善之長也則仁為生物之 字猶生民之生○問何以見人之仁其理即是生物 其理即是生物之遂人之智其理即是生物之成此 即是生物之始人之禮其理即是生物之通人之義 段已盡包含其意了下段故於時為春於人則為仁 之始日如孟子註云仁者天地生物之心人得之最 云 乃其分之殊者其實一理也生物二字俱是死

とこりはいけり

易胆蒙引

當仁字看盖元之在人為仁故得為善之長下數句 長者也故本義下箇故字若以是善之長也正意元 属他其所以當不得元亨利貞者盖盡六合之間無 字人當不得仁字依舊是在天之元矣宜細別之○ 皆依此例看本義所謂生物之始天地之德莫先於 春夏秋冬四字當不得元亨利貞本義只是將來配 此等句正以推原夫元之所以在人為仁而為善之 始天地之徳莫先於此之意可見矣餘故此○元字

多好四月子書

てこうこう ハエラ 時則物亦有春夏便結果者是無利貞矣似乎不通 義前段之言全是推究大理源頭之詞不可拘執以 長也亨者嘉美之會也利者和合於義也貞者幹事 至微之物其一年一成皆自分此四段子若拘於四 ○程傳曰元亨利貞乾之四德在人則元者衆善之 年有一年之元亨利貞一月有一月之元亨利貞雖 時無處無此四段子通大運有大運之元亨利貞 之用也亦分明以此元亨利貞四字就人說可見本 易經蒙引

柔其蔽一也用九之蔽近來少祛惟元者善之長也 〇元者善之長也元就當仁乾元用九天下治也乾 總論曰元者何仁是也此足以証元字當仁字看矣 乃善之長也不成文理矣〇春 秋胡傳隐公十一年 箇者也字氣勢自相與應豈容説是在天之元在人 方著仁字正猶於乾元用九之下方著君道劉而能 元用九就當君道剛而能柔今之說者於元者之下 人於本文元亨利貞四字而以為属之天者也且四

多定四庫全書

J. 1 1.1. 句次是就人說盖天人一理也故本義 云 而每句 中庸及孟子所引元者善之長也可見况程傅亦如 者言此元亨利貞四字就當作仁義禮智四字看觀 耳如此看方與下文故曰乾元亨利貞相合○此四 其酸猶舊〇元者善之長也四句純以天徳之在人 此理之在人所以為善之長嘉之會義之和事之幹 此說本義所以先云天地之德莫先於此云云者明 一則字以見本文之意春秋傳移姜所說亦純以 易經家引

多定匹库全書 所稱決非以元者亨者等為天德而以善之長也嘉 字皆說得順曰善曰義曰幹事難以天道說也且謂 之會也等為人之德明矣而今之拘說者乃以一句 比章本是古語穆姜稱之而夫子亦有取馬按穆姜 此條嘉會利物幹事字與下條所指不同亦難也〇 禮智皆善也惟仁則天地生物之心人得之最先而 分属天人盖未會於理也〇元者善之長也夫仁義 人言且於通章之意尤為明白而嘉會和義幹事數

大門軍人子 義之和然後見義非徒嚴也即仁之制也〇陽全陰 義相反者也今義乃為人之利何敷故為之說曰利 **無統四者故必仁為之本然後義以宜之禮以節之** 者非他即義之和也若曰利者義也猶為未盡也公 無所從出而亦無所施之地矣信乎其為善之長也 智以守之皆以次而集矣尚無其仁則義禮與智皆 半陽必統陰故義須與仁相對其實一仁之貫也故 ○利者義之和也明利即義矣聖人之意以為利與 見經蒙引 兰

道使民以生道殺民此其義之最著者也〇貞者事 該百行是乃衆善之長也亨也者左準繩右規矩是 而來日之所以為元亨利貞者皆於此乎出矣故曰 也貞也者正而且固而事以立事之幹也〇朱子太 乃衆善之會也利也者上下彼此各得其分義之和 不貞則無以為元〇比節第一段言元也者統四德 之幹也以生物之成言之則即是今之保合太和者 日利者義之和也不和則義為仁外物矣所謂以佚

每 好四月 全書

とこうられたう 君子體仁足以長人 第二段言君子内而心之所存者無一念之非仁外 用故體仁則無一物不在所愛之中自足以長人 字主人之四德言無疑 其仁之體也此之謂體仁夫仁者爱之理爱者仁之 之宜也正者貞之體也此又可見文言元者亨者等 極圖總論曰仁者善之長也中者嘉之會也利者義 而身之所行者無一事之非仁則仁自我而出而我 易經蒙引

嘉會足以合禮 多方四月全書 嘉其所會為難如得其一不得其二非嘉會也得於 嘉其所會則無不合禮盖會者眾理之所聚嘉非難 得之矣利物足以和義則利之和我得之矣貞固足 宜在髙位仁本無體君子其體也○君子體仁足以 ① 君子體仁足以長人分明是君長之長所謂仁者 以幹事則事之幹在我矣此條意是如此 、則善之長在我矣嘉會足以合禮則嘉之會我

なとり与とと 禮三干其道理至為纖悉具備故人必嘉所會乃合 禮〇公嘉其所會者盖天下許多道理本自相聚為 嘉之會也天道之事亦如此故萬物齊乎異相見乎 事父遠之事君許多嘉美一時輻輳得來如此乃合 此不得於彼非嘉會也得者十百不得猶二三非嘉 予禮也何者禮者天理節文人事儀則經禮三百曲 會也必其白一動一靜 會而非孤立無侣者所謂方以類聚也故曰亨者 易經蒙引 語 默之際以至於邇之 古四

生人巴尼 白雪 利物足以和義 是何也道理之在日用問隨處充滿無少欠缺是以 嘉其所會嘉字做看力字務必做得恰好方是嘉會 離嘉會足以合禮講此題者須先提掇禮字在前 字說得閱嘉美處一齊都閱凑到此方是嘉其所 禮之條目至於三干三百之多周旋有規折旋有 夫義之為德也發强劉毅主於有執宜若不和矣故 以此故也 而

嚴也和自利生也○利物足以和義則利外無義矣 内者女之利也義之所安即利之所在利之所在即 既足以相維而不至於相賣則其思意之浹治自足 和之所在也故曰利物足以和義蓋其守分之嚴明 恭於下者臣之利也男正乎外者男之利也女正乎 以相固結而不至於相戾矣盖和不生於和而生於 其分截然安在其和哉然君尊於上者君之利也臣

君必尊於上臣必恭於下男必正乎外女必正乎內

久已日年上

易經蒙引

盂

貞固足以幹事 義外亦無利矣外義而求利惠王之言利也外利以 貞固足以幹事或問朱子曰貞固二字與體仁嘉會 各有定理君子則以物處物使各得其宜也 得於義未有能和者也○利物者盖物有萬類莫不 戻是謂之和和非有心為之者盖義中自有箇和不 為義楊氏之言義也○使物各得其所利而無少乖 利物似不同曰属此方者便若用一兩字方能盡之

多月四月 石量

固之時其陰陽會合冲和之氣保固無遺此即萬物 悉皆於是乎取給馬如以十二支言之成友之陰終 故能成終無成始所謂富有之大業也盖凡萬物貞 只當正字僅得暴解貞字之丰亦聖人偶然下此字 各具一太極而來日之所以為元為亨為利為貞者 之大也故為天德之大始貞之大者以所蓄之大也 何也盖四德惟元至大惟貞亦大元之大者以所發 於北子丑之陽又始於北故北方皆萬雨義此貞字

久己日日本 AIA

易經樣引

十

|多分でルノフ 幹事朱子曰欲為事而非此之貞固便植立不起自 本周公曰冬日之閉凍也不固則春夏之長草木也 固守之則成箇孝矣固守以其行之堅言無仁與勇 凡事惟知正之所在而固守之則其事依之以立矣 然倒了此就最明貞固是事事貞固如嘉會利物 也此一句自該智仁勇三者○王伯厚云貞者元之 不茂見韓非解之可以發明貞固之說〇貞固足以 如知孝之所以為孝者道理是如何却依此道理而

火足可事 全事 君子行此曰徳者故曰乾元亨利貞 長人貞固足以幹事 要事事盡理也非只是一件貞固便百事都立了〇 事是君子有以行此利貞之德矣然此元亨利貞四 事至哉言也然此說易已有之易曰君子體仁足以 第三段謂夫體仁足以長人嘉會足以合禮是君子 胡傳曰心不外者乃能統大衆智不鑿者乃能斷大 有以行此元亨之徳矣利物足以和義貞固足以幹 易經蒙引

金りせんとう 者而非有君子之至健則屈於物欲而無以行此矣 文第二段云 者此也無君子則亦無四德矣此所謂行四德即上 元亨利貞言不徒曰元亨利貞而必曰乾元亨利貞 此 欲然後能全手天理故曰非君子之至健無以行 私謂之克又曰自勝者强可見至健只是能勝其 不然則至健與行四德意相重叠矣〇傳曰勝己 經文所以必以元亨利貞四者属之乾也故曰乾 云也○至健者能勝乎人欲也能勝乎

久己日中 Aisin 能徳而思者也 禮智當元亨利貞末句云故曰乾元亨利貞者舉 言君子所以能行此四德其末句乾元亨利貞亦不 段首一段言四徳中 私又曰非有以自勝其人欲之私不能擇而守也 必謂是天之四德此節聖人是以君子當乾以仁義 可見能勝乎人欲然後能全乎天理也此一節凡三 文以實之耳非謂以人事而合天德也 一條 易經蒙引 段言君子行此四德末 段

易乎世以下句句皆見得是龍德之隐者非尋常之 皆獨矣彼則能自潔於衆獨之中而不變其所守也 隐者而已也〇不易乎世謂不為世所易也如奉世 謂之龍德見聖人之德神明不測是亦人中龍也故 明其為龍德而非他卦泛泛之用九者偷也○自不 日神明不測之號又曰言乾元用九見於他卦不同 世而初九則恬然退處不出以求成其名也成字作 不成乎名盖凡挾一才負一藝者率欲出而成名於|

多片四月 全書

長言也通世亦舉一世言不見是亦就所長言總歸 無悶不見是而無閥此二句比上句又深一節九二 不以為善是皆不見是於人處就逐事言者也通世 不以為德一言之當而人不以為當一行之善而 文亦然但一節深一節矣○樂則行之憂則違之不 問上不見是如吾有才而人不以為才吾有徳而 於德遁世不見是非難無問為難龍德之隐正在無 活字看〇不易乎世舉一世而言也不成乎名自所

とこうにという

易經蒙引

違一 厳耳○初九言樂則行之憂則違之猶益子言伯夷 我以舍而蔵者用之必能行以用而行者含之必能 要兩平說初九何當有樂行時若論初九之心則 固必於憂違而不能樂行者也樂行一句特以起憂 之不屑就而曰治則進亂則退知伯夷之治則進則 惟我與爾有是夫顏淵亦何當有用行時但道既在 於所遇之意如孔子謂顏淵曰用之則行舍之則藏 一句而两箇則字見得是用舍無與於已行藏安 非

一多定匹庫 全書

龍德而正中者也 進口非也歸西伯以就養非求仕也故終之曰是亦 定之見○遁世無悶二句尤重於不易乎世二句樂 不屑就已〇確乎其不可拔畢竟只是憂違之操不 意少也論龍德之隐必至是而後盡 則行之三句更重於遁世無悶二句此三句明其無 可拔朱子小註及追齊徐氏無樂行憂違說恐是未 知初九之樂則行矣或曰伯夷之歸西伯亦是治則

人二丁巨 二十

易經業引

主

蛋好四月全書 深 淺深也○內卦以德學言然亦有時位在○関邪仔 已至於九二則出潜離隐而其德已章觸于世矣故 不易乎世不成乎名與樂行憂違確乎其不可扶而 龍德正中包下文庸言之信以下一句搭一句一節 不伐德博而化此皆時位為之也所謂有隱顯而無 其誠言其德已盛已無不信不謹矣而猶開那以 得見其庸言之信庸行之謹閉和存其誠善世而 節〇同一聖人耳其在初九則人但見其德之

というしたい 博也要見得是出潜離隐澤及於物之意○其徳之 存誠無數亦保之意故在也德博而化澤之所施者 而亦自不忘乎保守馬所謂警戒無虞之意〇善世 故有待於保守之功惟文王敬常存雖無厭數之時 而不伐雖善於世而自不以為善世也而所以関那 其誠恐猶有不信不謹者也〇 閑邪存其誠與修辭 以立其誠○無數亦保盖常人未免有厭斁之時是 立其誠同一 句法閑邪即所以存其誠修辭亦即 易經蒙引

多分四月月月 庸謹云 是正中〇九二還是在下之大人講化處要有斟酌 由 被其澤自蒙其化矣豈必别有恩義之施哉○德博 無一念之不誠無一徳之不周則事皆天理而人自 所以博及於物而物皆為之化者無他亦只是庸信 如云涵泳其德而莫知其功鼓舞其化而莫測其用 而化者非其時位之正中僅如初九之潜馬人亦無 被其澤而化也〇上文俱是龍德惟此一句見得 云者耳盖無一言之不信無一 行之不謹又

へこういろ とよう 此 無事於閑邪矣而猶且閑邪以存其誠恐其發於言 行者猶有不信不謹也夫如是是既善於世矣然猶 及綏之斯來動之斯和者恐是九五大人分上事〇 誠也故其德之廣被而物無不化馬 閉邪存誠者猶敵然若不足也此聖人統亦不已之 不自以為善於世而或自伐也其所以庸信庸謹者 行宜無事於謹矣而亦謹馬庸言亦信庸行亦謹宜 條語意相承謂庸言宜無事於信矣而亦信馬庸 易經蒙引 主

多定四庫全書 忠信所以進德也 安頓處是之謂立誠而業之見於外者修矣○進德 〇忠信所以進徳也毎應一件事俱著一箇心為之 說雖密不似積字見得在積在此而未見於事之意 於事也又處置恰好一 主惟心之所主者一 全在心上忠信主於心者無一念之不誠也修辭 朱子曰伊川説內積忠信積字説得好某實其善之 於誠則德之在內者進矣而其 如其所言則是誠有所歸宿

くこうう ハンラ 事也忠信果是重在知上謂之徳者以其理之滋味 來事到就緒上說無事無箇存主處二者總是敬以 有得於已而言也德以心言未說到事上大抵是從 誠即忠信也忠信就初問存主上說修辭立誠就後 知上來須要晓得德業是一貫事但有始終內外之 理也朱子當謂立誠之誠即忠信也忠信猶未見於 於事者無一言之不實也誠以心言實以事言亦 故曰雖有忠信之心然非修辭立誠則無以居之 易經蒙引 Ī

多定四月全書 德者以其實也若非有是實心下工夫則是理無自 直内義以方外忠信直内之事修辭方外之事○閑 再無立誠工夫故承之曰立其誠誠即忠信向也 那之外再無存誠功夫故承之曰存其誠修辭之外 中方會日日見發生岩把箇空殼下在裏面如何會 而得故朱子曰如布穀相似須是實有種子下在泥 發生道理須是實見得若徒將耳聽過將口說過濟 存於心而今則見於事而誠有立矣〇忠信所以進 誠

人三丁三 八十 甚事〇愚按朱子謂道理須是實見得又可見進德 者却又是修辭立其誠了愚謂大抵此處是以德與 事言至之知得到也終之行得到也○或問忠信恐 其進德也孰禦〇但知至至之以心言知終終之以 惡臭如好好色然後有地可據而無私累牽擾之患 信進德實心為本也朱子曰忠信便是意誠處如惡 所重在知上盖見得實則胸中自然有定力矣○忠 只是發已自盡循物無違朱子曰此是言應事接物 易經蒙引 产四

多 员 四月全書 修醉立其誠所以居業也 者 業對心與事對故忠信全属心信字只解作以實之 為不妄也修辭之要在於敏事所謂先行其言而後 謂〇此忠信把來對修辭立誠則全是內而主於心 其誠〇修辭立其誠不言事者事歸於誠然後其言 能修辭然後心中所得的道理有個安泊處故曰立 從之之意甚矣言行之相為表裏也夫子一則曰敏

人己可臣 一 辭之修也○朱子曰業乃事之就绪者也知古人所 宇未修則修之既修則居之也〇又曰進則日見其 謂業已如此是也〇又曰德則日進不已業則如屋 行又口言顧行行顧言以言行對舉而互言之者以 新居則常而不厭〇又曰忠信進德便只是大學誠 此也〇王應麟曰修辭立其誠修其內則為誠修其 於事二則曰訥於言而敏於行又曰恥其言而過其 外则為巧言○要之此句本意只為行不悖於解為 易經蒙引 圭

金好四月五十 意之說修解亦只是言顧行行顧言之意〇德紫無 安之所在所謂可與幾也若已到彼則不為之幾幾 難分別中庸章句云云反諸身不誠謂反求諸身而 不同條而具貫也哉〇語類用之問可與幾也朱子 修業總是中庸之誠身大學之誠意正心修身夫豈 之實即修辭立其誠也內外動靜體用備矣合進德 其所存所發有未實也所存之實即主忠信也所發 日先知為幾如人欲往長安雖未到長安然已知長

とこう言 者先知之謂也〇 愚按通書有誠神幾曰聖人幾字 亦作知幾看然非徒知而已便有赴之之意故無至 至既至其所在理亦止此為是則曰終此說合正 但於德業內外之分更要體貼耳〇至之者志向事 終之終非是兩箇物同是一箇道理據理之所在日 上去但未見於事也終之者事做到成就而守不失 此德業之所以分亦德業之所以費忠信修幹 謂可與幾也所以為進德也〇一 1.11. 易經家引 說知至之至知 支

謂立誠〇朱子曰知至便是真實知得如惡惡臭如 宜以此認之〇知理之所在而心必之馬是為主思 信 至字與大學不同知終終之謂其所處之事曲當於 理無欠無餘也○既曰忠信所以進徳也修辭立其 守之便是終之愚謂知至至之即 終便是知得進到這處了如何可保守得便從而保 好好色至之便是真箇如惡惡臭如好好色之地 知理必至是而後為到頭地位遂守之不移是之 知至而意誠也但

到庆四月全書

. 1. 1 1.1. 則可與幾而德進矣又要先知修醉立誠是如何然 誠所以居業也而又曰知至至之可與幾也知終終 句 以居業此則言要先知忠信如何然後忠信其心馬 後修辭以立誠馬則可與存義而業居矣朱子說上 以兩知字為重盖上文只說忠信以進德修辭立誠 也二至字似亦有看落〇知至至之愚意此两句全 之可與存義也亦以明其終始本一貫表裏無二致 知字重下句終字重盖以知行先後自然之理言 易經蒙引 主

敏定匹庫全書 居上位而不驕在下位而不憂 然哉豈姑以對上句而無所當哉 可下不驕不憂此二句自不重叠盖以本文必無言 之也然此未必是本文之意本文下句一知字豈偶 上位若於九五必不無言在下位此亦當知〇可 下者則九三又為居上位矣若於初二必不煎言居 此雖以進德修業之效言不拘於位但九三居下之 上是亦有位其上者則九三為在下位矣亦有位在

だこうる なす 故乾乾因其時而惕 居上位在下位者以其可居上亦可居下也〇 謂終日乾乾然至夕若可少息矣然其時猶當惕也故 不憂忘其甲也此惟進德修業者能之 則無大失也○居上位而不驕忘其尊也居下位而 不驕不憂正是可上可下處似猶欠虚心玩味於理 又因其時之當惕而惕馬 無常 非為那也進退无恒非離犀也 易概蒙引 主 説

犀者彼初安於潜二安於見三安於惕而四獨欲進 者不幾於為那乎然其實則非為那也志欲及時也 馬不口離犀乎然其實則非離犀也志欲及時也恐 恐失可為之機會也四之進退无恒循似予獨離其 失可為之機會也本文大意如此〇上下無常其迹 上下者進退之已成進退者上下之未定聖人下字 有似於為邪而心則非為邪也進退無恒其迹有似 不重叠○四之上下無常以迹言似乎有求進之意

多厅四月分書

大のううしたう 流所以為不知孔孟之心也君子進德修業欲及時 也君子之志在於及時此其所以雖無為邪雜羣之 過布此誠於天下也中庸所謂盡人物之性者至誠 常非為那也進退无恒非離犀也此微生畝尹士之 心而亦不暇避為邪離羣之疑也欲及時也故无谷 予離羣而心則非離羣也盖君子進德修業欲及時 也君子進修之實表裏一誠而已其及時以進亦不 及時以進如何便无咎只在時之一字上〇上下無 易經蒙引 千九

多定四庫全書 同聲相應同氣相求一條 德修業之義已備於九三則與下句此則欲及時 位言進修無工夫尤明矣○故无咎通管非為邪 只是德業二字足以蔽之○九三脩矣一句若做 須以三四做一 進也語意不相應須從舊說且有朱子小註可證 離犀也欲及時也 經綸天下之大經者亦至誠也其間節目固多亦 箇聖人而時位不同者○外卦以時 卷一中 進 而 JŁ

故字〇萬物親之物字當人字看中庸註變者物從 同聲相應至聖人作而萬物覩是一意本乎天者至 鏡也月太陰之精故 註夫燧取火點也日太陽之 各從其類也又是言所以聖作物親處故本義用箇 而變孟子註教不倦者仁之所以及物二物字亦當 字看〇同氣相求吳氏謂取火以燧取明大於日 鑑取明水於月以供祭祀之用齊明獨取明水 取 明水馬又韻府鑑大盆也 精故取明大馬鑑 取 0 水

人足の軍を与

易概蒙引

亨

金月四月百里 風從虎從來俱說龍 龍 大於日〇雲從龍風從虎雲水之氣龍水之物 論 女北方水色也○吳氏註日火之 禮曰奉王發盖火熟之黍稷也〇玄酒即水也故 註 其理乃只是龍感雲水之氣而與虎感陰風之 與則雲從也〇風與虎大抵皆陰類 語去喪無所不佩註君子左佩 明水以充玄酒也又正韻註黍稷在悉曰盛 與則雲集虎彌而風生子 金燧云 '精而取火於日 也〇雲從龍 云金燧 細尋 也 周 故 曰 取 按

久足可事在馬 氣所在龍乃興也龍興則便有雲在故從來以為雲 氣而彌也而風隨至馬故從來以為風從虎也不 從龍也岩皓白無雲所在則非龍之境界龍決不 至而彌也盖龍水物也公見水氣升騰於上渾是雲 此 而翔蟻先濟而從不可謂為能召風蟻能召雨添也 風是造化之柄豈區區一虎所能召哉亦如蘇先風 此為雲從龍陰風肅殺之氣將至虎其類也先感此 理要在知者點識之也〇或曰韓子雲龍之虛魚 易經蒙引 Ť

多分四屋 有書 成雲所謂雲從龍者乃龍身所自有者也次是從龍 劉錡將如順昌樂金師至渦口忽暴風抜坐帳錡曰 獸屏息亦自能生氣馬然則所從虎之風非天風 昌城只用靴尖踢倒耳晉明帝微行規王敦敦畫展 秦人去趙城三十里而勒兵城中屋五至俱震〇宋 其精魄甚大夜行常一目放光其爛也山岳振 矣劉季所居上常有雲氣亦其類也又曰虎是山君 此 賊兆也盖金兀术氣先到也兀术氣壯甚常謂 卷一中 動百 也 順

次足口車全書 方之人聞君行仁政順受一廛而為氓陳相兄弟 鮮甲女也鮮甲人紅鬚又如鄉行之被繫於獄而哭 夢日繞其營覺而舊曰無乃紅鬚兒來耶盖明帝母 文公一行仁政而許行率其徒數十人自楚至滕遠 文本意學者宜審擇之〇聖人作而萬物親只如滕 風從虎盖指此類也其前所云雖是正理恐終非傳 巨物也其壯者或能以嘯生風文言傳所謂雲從龍 天為六月降霜人之精神其威者所感有如此虎亦 易經蒙引

金りし 下而各從其類以發明其所以然之理也還是加 聽者矣天下士民安得不欣然而快親〇雲從龍風 親聖人既作則自有以新天下之耳目鋒天下之觀 而萬物親一句說出了正意已盡矣故又用親上親 類者皆非有心於從之也○自同聲相應至聖人作 從虎等與本乎天者親上本乎地者親下則各從其 雨 自宋之滕曰聞君行仁政是亦聖人也頗為聖人氓 况乎九五雅龍在天之聖人哉〇聖人作而萬物

本乎天者皆親之地在下故凡本乎地者皆親之聖 然其尤願著也本乎天者親上云云盖天在上故 而猶有時舍也之說若九五則中天下而立定四海 重意思○或問九二亦利見大人者亦有聲應氣求 之民為萬國之所朝宗其於聲應氣求之理故表表 上意多九二之為大人特取其德耳故雖天下文明 之理何為寂無一言及之曰九二德上意多九五位 為人類之首故人類皆從之〇本乎天者為動物

次足日年全等 ·

易經蒙引

金げばんと言 昂其首如鳥獸雖曰横生首終居上也無說似長○ 首向上者是為親上非本乎天也所謂首向下者是 動 説 從也二句若除却人言亦未必為不可〇小註所 **必專指人類况上下交通是以物** 大凡言動物皆煎人獸禽虫此處似當從泛言而不 有人類字或曰凡動物首皆向上雖 物專指人類有小註在或無鳥獸言却違那子之 但不知朱子何如不曰人類而曰動物及語錄始 類凡况人 蛇虫行行亦皆 類之相 謂

欠己司戶公告 散之漸植物本諸地以陰陽升降為聚散之漸又曰 是得於天之氣多本乎天也植物是得於地之氣多 角之類也陰交於陽而生羽翼之類也副交於柔而 呼吸也盖其有息者陽之動也其無息陰之靜也 有息者根於天不息者根於地比動植之分也息謂 本乎地也正蒙動物篇口動物本諸天以呼吸為聚 為親下非本乎地也若以動植二物分陰陽則動 理晓然易見矣皇極觀物外篇曰陽交於陰而生蹄 易狸蒙引 物

謂本乎天地之實也又曰走者便於下雅者利於上 飛上走之類喜土而利於走下此亦可就飛走二物 者食草人皆魚之而又食飛走也故最貴於萬物此 從其類也此又親上親下之說也又曰飛者食木走 生根炭之類也柔交於到而生枝幹之類也此盖所知此月 又可見此條當除却人類而論動物也以動植二類 分本天地而親上下也本文只說本乎天者親上本 類也〇又觀物外篇下曰飛之類喜風而 敏於

多片四月五十

というえ 異同耳小註之言或記者之不詳也○朱子小註本 者如禽獸草木此說儘有理但日月星辰旋統於天 乎天者親上程傳謂本乎天者如日月星辰本子地 生所以無智此本康節說今於皇極經世尋閱此段 地之間不止向上也故朱子不用只用動植二物 分 未出但常言動物必無人更或專指且禽之属○本 予天者人類是也本乎地者草木是也禽獸首多横 乎地者親下似乎所該自廣但今未敢直舉先儒為 とれず 易經蒙引 圭

悔 多定四庫全書 貴而無位高而無民賢人在下位而无輔是以動而 隂 以其有位也彼則亢矣故雖貴而無位居一卦 意岩口上九居 亦熏植之理如金水為陰木火為陽而冲氣亦煎有 ○草木植物也人與鳥獸動物也人亦属動而直生 亦至髙者也然凡所謂髙者以其有民也彼既亢矣 一卦之上至貴者也然凡所謂貴者 卷一中 有

吉不聞有喜色後謀不軌道秀坐該高允聞之曰夫 夢登魏主白臺四顧不見人命術士董道秀筮之曰 輔 孤而業廢所謂來之坎坎何可人者故動而有悔 则以上九之亢而莫有輔之者○无位則無以安其 下位也凡樂有賢人在其下者以其為我之輔也 故雖高而無民九五以下諸侯布列其下是賢人在 身无民則無以承其下无輔則又無以自立於上身 非有無之元謂莫為之輔也○北朝魏樂平王不 今

Kr. 19 int hite

易經蒙引

圭

多定匹庫全書 潜龍勿用下也 窮高為亢易曰亢龍有悔又曰高而无民皆不祥也 筮者皆當依附交象勸以忠孝王之問也道秀宜曰 象傳之意至此又約其古而申之曰初九所謂潜龍 王不可以不戒如此則王安於上身全於下矣道秀 勿用者盖以其位下也其位下故於龍為潜也此與 序之宜其 死也 文言前節龍德而隐者以下既詳言六爻之義以申 卷一中

見龍在田時舍也 曰不為時用而曰未為時用之義因本文舍字而下 斟酌言猶未得大人之位也謂非為時所棄也故不 陽在下也陽氣潜嚴緊無異古只是反覆中言之意 用也故止為見龍在田程傳讀各為去聲云隨時而 止則有似乎初之潜馮氏云適止於位非人安也則 九二所謂見龍在田者謂其雖進於潜亦尚未為時 "似有冀其在天之意味本義未為時用之意似有

大三日屋 台馬

易經蒙引

圭

| 多定四月月 **象傳曰舊井無禽時舍也程子註曰舍上聲與此不** 復践行之意便見不從程子公以道之記〇井初六 從程子所謂上之治也之說又如及覆道也但云重 聲讀為時止之義下條曰居上以治下便見朱子不 此條本義云未為時用也便見朱子不從程子作去 為上聲〇音註云舍去聲盖主程傳九五上治也註 云治傳直更反本義讀作平聲可見非朱子音註然 用字以及之亦不得已馬耳故依本義合字似當讀

次 足 可車 全 馬 或雖在淵自試也 終日乾乾行事也 傅當之如何又說未為時用曰此猶謂其在下位未 同 位而已有君德也伊傅固有君德然未當君位孟子 登五位之尊也故上文下文皆曰君德也言未當君 日周公之不有天下猶益之於夏伊尹之於殷也 終日乾乾行其所行而不自己也亦與時偕行之意 惟本義兩處俱當讀作上聲〇論九二者既以伊 易經蒙引 Ŧ

生りし 亢龍有悔窮之災也 飛龍在天上治也 業九三備矣其在聖人則以謳歌訟獄之来歸天意 也此所謂自試者試其時非試其才也故曰進德修 九五所謂飛龍在天者言大人得上位以治下也 人心之畢集則可遂躍而為五之飛矣 一九所謂亢龍有悔者盖以其處位之窮窮則灾生 四所謂或雖在淵者且自試其可否而未能自决

乾元用九天下治也 故曰窮之灾也 君道劉而能柔則所謂王者之無偏無改無反無例 為無據也○元包四德故舉乾元就足以盡君道○ 交文言皆以聖人明之則乾元用九斷從君道說未 泥用九為乾卦六爻之變者非矣本義明謂乾卦六 之用九則其道之則而能柔也故承以天下治也彼 乳子之意盖以乾當聖人乾元即聖人之道也乾元 易經蒙引

飲定四車 全書

乾元用九見與他卦不同明其為純陽之德聖君之 者矣天下安有不會極歸極而跡治者予○本義日 象也若他卦用九者何限不得皆為劉而能柔之義 而有天下平之效矣看來朱子既以用九為諸卦百 乾九五无柔將不能致天下之治乎曰中正便劉 獨言君者對下句天下治言其實言聖人也○或曰 九十二陽文之通例而不專為乾六文之用九故於 解須費力也○六爻皆以聖人明之而本義於此

Mary little 陽氣潜蔵 能柔矣或又曰六爻皆以聖人明之亢龍有悔亦聖 意在言外所謂陽氣潜蔵者即初陽在下也〇陽氣 潜龍勿用陽氣潜藏自潜龍之象說而聖人龍德之 存亡而不失其正者其惟聖人乎此乃所以乗乎龍 見惕雖以至於飛則皆愚所謂隨時而順之之義者 之亢者也愚所謂有隨時而制之之義者此也若潜 人乎日在聖人則時雖亢亦不與俱亢所謂知進退 易經蒙引 里

多定匹庫全書 天下文明 聖人也此特著其所處耳〇陽氣潜蔵亦據一 潜藏乾道乃華俱就交位上說但潜龍或躍則皆指 明也語其國則行者讓路耕者讓畔文而明也此所 者化而為敦寬語其家則父父子子兄兄弟弟文而 言天下之人被大人之化流漓者變而為淳龐鄙蔣 之在下者而言總是明潜龍之義故亦歸在下之聖 一陽畫

乾道乃革 藏二字亦一類〇天下文明謂天下被其德化而成 謂百姓昭明也所謂民德維新也文明 易一卦一爻莫非道之所在其在乾卦則為乾道也 且進且退疑而未定也問此所謂乾道何謂也日凡 或躍在淵盖九四在乾體為離下而上變華之時故 文明之俗也若曰天下被其文明之化則文明属大 而不属天下矣此亦當辨 類字循潜

三人二日日 在十

易經蒙引

里

每戶四月月 乃位乎天德 意耳 是就人事上說此云乾道乃華就卦畫發其取象之 乾卦六文文言皆以聖人明之則乾道即是聖人之 道也聖人於或躍之時亦為變華也○或躍在淵皆 宜居是位也訟六三以食舊禄為食舊德有是德 乃字似亦有意盖言九五之位乃是位乎天德者非 無德而據尊位者也○此以天位為天德有是德乃

與時陷極 乾元用九乃見天則 柔天之則也聖德劉而能柔則聖德所在即天德所 皆當作活字看 宜享是禄也〇據此位乎字可證諸录象傅所立字 言聖德劉而能柔而天則之妙於此見矣盖劉而能 極所以悔也 **亢龍有悔盖其時既極不知自退之道乃與時而偕**

大三日豆 公子

易經蒙引

里

金月四月月至 不勉而中不思而得從容中道聖人也而章句曰則 是就聖人言也本義云劉而能柔天之法也則明乾 亦天之道也却是指聖人矣此云天之法也本是說 者天之道也以天理自然者言不看人也至於誠者 柔天之法也乃推本天則二字所由取處如中庸誠 天其本文云乃見天則則是天則於聖人見之矣〇 在矣故云乃見天則實以聖人言其本義曰劉而能 三百八十四爻皆以人事言則此所謂見天則者實

NALIONAL RIAM 是天之法到而能柔故聖人之到而能柔有以見乎 德安而且自故君子之安貞有以應乎地之德也因 意〇天之法於聖人之劉而能柔處見得曰此 統以 貞地之德也亦安頓在應地無疆之上盖因是地之 天之法也朱子言劉而能柔天之法也惟恐人不 天之法也此句安頓在乃見天則之上猶云安而且 天言非也乾六爻文言皆以聖人明之〇到而能柔 元之用九所以謂之天則也則是準則有不踰矩之 易經蒙引 學二

多好四月全書 聖人之剛而能柔處便是天則如前云天德天道皆 就聖人身言又仲尼不為已甚章小註亦云即天則 而聖人之剛而能柔有柔以濟其剛者象之〇一記 繼以陽春推剥之後繼以發育此天之到而能柔也 孔子此段是純以天言亦不察之過矣○風雪之餘 恐人不知地德之為安而且貞也而或者因此註謂 天則之為到而能柔也言安而且貞地之德也亦惟)所存此說雖有理但以本義天之法也一句味之

乾元者始而亨者也利貞者性情也 欠己可申 公野 徳之類亦同出此意不可不知 貞然即此段觀之亦就見得下文所云之意矣孟始 則是未知天則二字之所由立矣至如曰天道曰天 也性情從何來則性情者亦此乾始之所成就矣故 而亨則亨者同此乾始之所亨也至於利貞者性情 於物之始而亨處認乾元於物之性情處認乾之 主乾而言不主物而言四德属乾不属物此是教 易經蒙引 四四

多分四屋 有量 **飯歸蔵便知是以物言利貞則属乾依語録謂是乾** 故必至於収斂歸藏乃見性情之實耳本義但云収 乾元者利貞者是提虚而用下句以實之亦解經之 例方元亨時要非無性情也但生意未足實理未完 下文從而贅之曰乾始能以美利利天下不言所利 此見本義之精而語録之説未必皆朱子之定説也 大矣哉聖人之言豈異致哉文不相蒙意實相属C 性情岩究其極則四德惟利負可謂之性情乎以

大己り巨白 乾始能以美利利天下不言所利大矣哉 鼓而為萬化之權與機緣一泄而為百物之朕兆胎 皆於是乎開先也然不始則已始則必亨胎者以息 本義云始者元而亨者也利天下者利也不言所利 幾而條達理勢自然也 而漸長卵者以異而能奮甲折未幾而發榮勾前未 而化卵而伏者皆於是乎資始也勾而萌甲而拆者 ○乾元者始而亨者也時文講語云乾元者索籥 易經蒙引 星

或曰之說言字是指卦解〇一 者貞也講時此句全用不得以入大矣哉亦非也盖 不同放以或口隔之本義謂乾始不自言其所利也 或曰坤利北馬則言所利矣此又是别一 乾不言所利也所謂做却神功寂若無也便見負意 哉不必添本義云云然後見其大也〇不言所利者 乾始能以美利利天下不言所利便見得一 不利將何以言其所利哉此說近切然不見貞意還 說舉天下之物無 說與上說 一 箇大矣

金月四月月

性命誠斯立馬此屬萬物也〇元亨者氣之方出而 乾元萬物資始誠之原也此属天也乾道變化各正 是說結果成就而不可名其所利為優此又一 亨其所以利天下而不可名言其所利者其實乃繼 節所謂乾道變化也乾道變化是繼善時事故為元 善者之所成就也是成性時事故為利貞通書大哉 本義何以分析四德半屬天半屬物耶曰乾始之時 〇始者元而亨也利天下者利也不言所利者負也 一説也

大三丁草 江

易經蒙引

罕六

每好四月 全書 大哉乾乎劉健中正純粹精也 亨猶在乾而利天下不言所利則已有箇物在矣故 員者物之已成理之已立在物之分數多未子以元 未有所成理之方行而未有所立在天之分數多利 亦只就上文說盖四德運行元而亨亨而利利而自 编利乎天下而其終也不言所利大矣哉乾始也以 如此分正以繼善成性分四德也○乾始能以美利 此語意味之乃見利天下者利也不言所利者貞也

とこうう 貞而復元無所屈挠無少問斷此便是到此便是便! 是行之無過不及處中也且元自為元亨自為亨利 且當元而元元之末則繼以亨當亨而亨亨之未則 其到健中正則極其中正是純粹也統粹則極其統 自為利貞自為貞此是立之不偏處正也到健則極 而到健中正之外别有所謂純粹精哉要是極言以 粹是精也豈於元亨利貞之外別有所謂到健中正 繼以利當利而利利之末則繼以貞貞下又起元此 Litie 易經蒙引 里

多片匹庫 全書 着之意或曰行或曰立姑用解字義云耳未見皆指 皆健也中者其行無過不及是就四德之交接處說 體言是他本質如此健煎用言其靜也專其動也直 包四德劉健中正純粹精者則正指四德言也劉以 不雜於陰柔一 深賛之耳統者到健之極粹者中正之極故一 四德曰非也下句即承之曰四者乾之德也豈四德 正者其立不偏是就四德之自為德處說有不相倚 則曰不雜於邪惡〇大哉乾乎乾字 則曰

火己日日十七十二 所立云 或謂元亨利貞四德是乾之隨時而異其名也乾是 貞非即是元亨利貞也兩箇乾字似無不同○大哉 言正言立以利貞言故通書註曰理之方行而未有 不得言中正者不然也云 分中正以配之未為通論也况下云或疑乾到無柔 之外又別有所謂乾德者哉○或曰中言行以元享 **元亨利貞之渾淪而總其名也愚謂乾則有元亨利** 云 此說未稳何也劉健分配四德不得乃獨 も經蒙引 云此通指四德言之也!

金万里屋 石雪里 賛詠不能自己也非聖人知天地之化而與之默契 猶未盡也故更着統字更看粹字又更看精字及覆 **賛之見其猶未足也更着中正二字循以中正二字** 處是中正又何處是純粹精盖乾德只是一樣而已 乾乎只是一箇乾只是一箇四德何處是剛健又何 無問洞然無遺馬亦說不到此〇本義謂天地之間 但替美之辭有不能一二字盡者故首以剛健二字 氣之流行而有動靜耳或疑既是一氣流行則

とこうはんはう 六爻發揮旁通情也 嘘吸驗之足見動靜之分矣○元亨動也到也利貞 其向所出於外者以歸於內也故為靜只以真息之 以氣候之出入言之盖陽氣流行其後半節却是做 予乾道也乾只是純陽至健四德迭運而已而乾之 舊說聖人說乾四德乃著此一句者明乾卦有以備 動者之靜剛之柔也本一氣之流行也 秋冬景候氣亦未嘗不流行也而何以自為靜曰此 易經蒙引

每戶四月全書 言情則該性性情則德也體用一原也一說此條是 情矣發揮着力説言其揮布在此也○此處似用不 每條俱是乾字發端一則曰乾元二則曰乾始三則 近 得潜見惕躍飛亢等爻解意思大抵此 起下文之辭正如彖傳六位時成之例理亦似順〇 之意逐條全用四德貫情是乾之情即上文云 為卦六畫皆奇上下皆乾亦統陽而至健便盡得此 日看得此條只是起下文時乗六龍之意盖上文 節中录傳 云也

とこりをから 時來六龍設矣即录傅之六位時成也况替乾而至 盡四德之義何哉又聖人之四德自是以治功言亦 不必於六爻上分属四德如初九至九二之二六 曰大哉乾乎至此則更端曰六爻發揮可見只是為 ○旁通情也信是曲盡事物之情矣若使但有初九 純粹精也則至矣盡矣不可復有加矣乃又以六爻 上九是尚未能曲盡子事物之情也今既發揮出有 九二而無九三九四九五或有九三九四九五而無 見を見り

多好四月在書 雲行雨施天下平也 君子以成德為行止是以君子弗用也 雲行雨施正是聖人時乗六龍以御天之功也利貞 初之潜二之見三之惕四之躍五之飛上之亢則夫 甚妙此理亦正大而精密看來非鑿說也 餘矣而聖人之時乗以御天者其有外於此哉此理 事有萬殊物有萬類時有萬變者皆該括曲盡而無 總在天下平一句內

とこうこと 徳之發也〇徳與行兩字要分辨如理無不窮知無 為言也隐而未見隐而未見則行猶未成是以君子 亦當如之而勿用也如此說意思自員活亦不拘拘 為行初九德已成矣則日可以見之行也夫既可以 於泉占之分但以身在潜而勿用耳○行以事功言 見之行矣而又何以曰勿用盖初九時乎潜也潜之 言君子之所以為行者以成德為行也夫既以成德 不至心無不正身無不修者德也若夫上而致君下 易經蒙引

每好匹 月全書 成德為行此君子泛言之也是以君子勿用也此君 而澤民大而經邦小而立事者行也德者本也行者 本諸德者也故曰君子以成德為行○一説君子以 爻而言 說較分明○潜之為言也與亢之為言一般皆據看 子與九三之君子終日乾乾皆指占者言○味是以 君子勿用也一句另提出君子似有象占之分從此 用也盖有有其德而不見諸行者未有有其行而不

人工了意 公子 君子學以聚之問以辨之一條 馬有精粗本末馬又公上問於師次問於友辨其熟 皆學也所以聚夫衆理也然所聚之理有是非得失 時節也學以聚之天下之理散在事物之間或在方 辨之也非問不可寬居是知止而后有定居之安資 策之上君子多聞多見或誦詩讀書考今論古之類 之深時節也仁行是慮而后能得取之左右逢其原 理不可不聚而其聚也非學不能學以辨而精而其 易經蒙引 平

是孰非孰得孰失何者為精為粗何者為本為末辨 道凡處事內要無私外要當於理此次是不可易者 無所不盡則須寬看心胸以居貯之使衆理之蓄於 此仁字不可專以愛人言及以心德言者亦為不切 乃其居之安而資之深者然也至於事至物來之時 吾心者淵涵海獨而不見其涯際也此皆學力所得 之少欲其明也至於是非得失各有所歸本末精粗 須行以仁盖仁者當理而無私之謂此處事之大

每好四月全書

前云言君德也者釋大人之為九二也言大人只是 成大人之德再言君德以深明九二之為大人也深 德即所謂大人之事備矣 明二字承再言說九二之為大人言九二即大人也 行其所居也學者德之所由成也故曰盖由四者以 九二非他人也互其解以相發也未為君而謂之君 〇問辨者問其所聚也寬居者居其所辨也仁行者

大こりう

これら

九三重劉而不中上不在天下不在田故乾乾因其時

易經蒙引

至

九四到而不中上不在天下不在田中不在人 多近四月全書 而前本義居下之上一句亦贅矣 田為申上不中字也若做申上不中字則本文為重 不中居下之上乃危地也不可以上不在天下不在 而惕雖危无咎矣 九三重劉而不中上不在天下不在田即本義重劉 四劉而不中上不在天下不在田中不在人即本 九陽四陰居上之下也〇九四劉而不中此是

次定日華全島 或曰九四是劉而不正如何謂之不中曰九二非正 相通看者九三之不中亦是就居下之上取九四之 言曰重劉而不中亦不復取其正也此見中正亦有 也而本義曰劉健中正以中該正也九三正也而文 該得不中之義然於九三例不同亦牽强之說也○ 矣本義下文居上之下一句即是文言上不在天下 言所取朱子本義只曰九陽四陰其不中之義則器 不在田中不在人之義或謂本義居上之下一句自 易姬蒙引 孟

本義下句居下之上居上之下以位取者意不重叠 若以不中為重到則九四非重到也何亦謂之不中 重到自是重到不中自是不中重到是性質過到也 不中亦是就居上之下取然意俱指性情上說故與 連下文讀何本義乃曰重到不中居下之上叛豈本 敷若以上不在天下不在田為不中則不中二字當 不中以人事言是用不得其當不當到而到者也上 不在天下不在田义是以位言不可謂是申不中意

金ガノロガノコー

聖人孔子以聖人當之是以有此疑義蓋亦大縣之 盖但有中便有過與不及故凡說中處便要把過與 義居下之上四字特以申上句不中二字之義耶此 亦謂之劉而不中盖九三之重劉不中失之太過者 不及處來 相比方論説○問文言皆以六爻為聖人 理可推○九四以劉處柔便是用剛不得其當處故 何緣聖人乃有重劉不中之過耶曰周公元不以為 也九四之劉而不中失之不及者也故均謂之不中

久己日年 江南

易經蒙引

£

史之說其失未免於過劉不中矣故伯夷謂其以恭 者疑而未定之辭也味之辭二字則或字從繫游者 故聖人無射亦保恒懼其所有失也如武王伐紂若 辭如亢龍安得為聖人然天地之大也人猶有所憾 言此云或者隨時而未定也則或字是云九四自或 易暴也○故或之或之者疑之也一說按本義曰或 之故去了之醉二字也此説未精○或者疑而未定 之解猶孔子云吾將任矣註云將者且然而未必之

多好正屋有書

夫大人者與天地合其德山乎况于鬼神乎 of love time 辭皆非從傍人說也只是解字義云耳皆是謂九四 是無私如天無私覆地無私載日月無私照四時之 自或之也 序無私鬼神之吉由無私皆道也大人亦無私則道 神無往而不合矣○夫大人者本義有是德而當其 此節總是言大人之德只是以道為體以道為體只 在我而質之天地而合質之日月而合質之四時思 易經蒙引 季六

多定匹庫全書 其德以下然以天德言大人造也大人亦然以德言 所以為大人者則不以其位而以其德也與天地合 也既合乎天便是行得去行得去處便是天不違○ 以道言〇先天而天弗違盖雖先乎天而實合乎天 位乃可以當之九五之大人本是有德萬有位但其 也位在造字上天地之天以形體言先天後天之天 耳天何心哉然既行不得即是天違之矣所謂天命 如所行有悖乎天天亦何嘗故違之自是理行不得

人之可是人一 **達之理天似有典而我博之天秋有禮而我庸之後** 先王之成法非經常之所有而於理無悖者先天事 不祐行矣哉○如禮以義起而達之天下薦之於天 也〇三重之道建諸天地而不悖亦是先天而天不 而天受之此先天而天弗違也又如治設網器制表 便是後於天即依而為之是吾奉乎天時也天之道 **耜作書契之類皆先天事也又凡聖人之行權處非** 天而奉天時也〇後天而奉天時謂此天既為了我 易經蒙引 桑

時馬而已矣時即理也易經盡說天時如應天而時 同時不知是如此不時舉云家問養雞時舉為兒童 先後相應不差毫釐也因說人常云如雞覆子出喙 弗達後天而奉天時只是聖人意要如此天便順從 行承天而時行之類莫非理也○語類云先天而天 横迸裂開有時見其出之不利因用手畧助之則其 候其離之出見他母初未當家盖氣類幾足便自 來便不長進以此見得這裏一毫人力不能與

重分四月 在書

是子儀單騎見虜之際回統自言其國有筮者為之 者言此行當見一大人而還事見前唐書回能傳正 後天而奉天時矣猶言七十者衣帛食肉就該得五 已矣故曰應天而時行雖先天亦時也天且弗違不 先生笑而然之〇愚謂聖人之先天後天一時馬而 筮云此行不當戰見一大人而還此又可見言忠信 必無後天而奉天時言盖舉先天而天勿違就該得 十者矣前有該兩意者非是○回統謂郭子儀曰卜

次足刀軍公的

易經費引

近之則不厭也而况於思神乎朕志先定鬼神其依 尤可見其非為利見字設也況於人子遠之則有望 自利見之為下句况於鬼神乎說不得了此與豐卦 天地盈虚與時消息而况於人子况於鬼神子一 行為敬雖蠻貊之邦行矣〇况於人乎不必說是人 全體言思神則各有司存如風雨雷露及草木所以 阵之類皆鬼神為之也皆天地之功用也如大舜 ○况於鬼神乎與上鬼神合其吉山者同天地以 同

金グロルノニ

火足日草 在 知進而不知退知存而不知亡知得而不知丧 者處之以道也進極而思退存而不忘亡所謂滿 則 可依其下云 為氏曰進退者身也存亡者位也得丧者物也此語 鬼神附看著龜告人也故曰可與祐神 之烈風雷雨弗迷亦當有鬼神呵馥翼載之理蓋聖 八之徳神所依也○朕志先定思神其依就是這箇 '有退有存則有亡為理勢之自然也○不失其正 云 不必依也知進退存亡者知其有進 易經蒙引 廴

金にんせんだん 不溢髙而不危也〇知進退存亡而不失其正者其 惟聖人乎此是聖人無筮卜而知吉內處〇伯厚云 某人當引易進退存亡之言曰進有退之義存有亡 統陽之意若就人品上論則為聖人之象耳而其六 用處初非局定以乾六文來模擬聖人也孔子亦非 占設自天子以至於庶人自聖人以至於衆人皆有 之幾得有丧之理〇大抵乾卦六文之醉周公本為 不知此而誤認乾六文為聖人也但其意以為此是

是反覆中言其實前後亦互相發第二節言初九龍 詳則無以願文王周公之約矣○看文言申象傳雖 見飛躍之文而盡以聖人之迹發明之耳要之不出 他而隐有許多話第三節只曰下也明前之云 道之無窮也○盖文王周公之辭約孔子之論詳然 周公爻辭意外且猶未足以盡爻辭中意也甚矣易 位之高下人有似於聖人之進退故文言因爻辭潜 非文王周公之約無可以為孔子之詳者非孔子之 易理装门 云

繁定四庫全書 德而正中云云詳其德之及物也繼則云時舍也言 由成也〇如九三首節進修之說最詳次則承言其 見為雖者亦此龍也至第六節則又言其德之可出 職則又以見其非塊然於下也時當潜也他日之為 從下之一字出也此以位而言也第四節云陽氣潜 其德雖己及物猶是在下之大人未得為在上之大 而時之未可出又是前節之所未及也〇如九二龍 也又次云天下文明言雖不在上位而其德之所

言其所以自試也又次則本其為改革之際所以當 白試不可處進也末則詳言其到而不中居下之上 乾乾也○如九四首言進修及時之意為詳次則承 天位位與德稱宜其為人所利見也末則極言其德 汉盡其古也○如九五首言聖作物覩之理最盡循 也末則推本其重劉不中居下之上以見其所以當 不過行其事耳又次則尿言其所行事者其時當然 未及其治功次则言居上治下 也又次則 言其位子 易經蒙引 华二

則本偕極宜其災也未則教以盛滿自戒庶不至於 易經蒙引卷一中 以窮致災也皆有以相 發明相補足之意 之威道之大以見其所以為大人者非偶然也〇如 九首言亢龍之意亦詳次則約言其窮之灾又次